

Arkiv	Saksbehandlar	Møtedato	Sak nr.
F941	Knut Øyjordet	06.09.23	28/23

SØKNAD OM GRENSEJUSTERING AV SETERKVE – TONE JORUNN TVEITO/ GUNNAR VOLE

Saksdokument:

1. Søknad frå Tone Jorunn Tveito og Gunnar Vole, e-post av 28.06.23.
2. Brev frå fjellstyret av 20.08.23 til Statskog.
3. Brev frå Statskog av 28.08.23 til fjellstyret.

Saksutgreiing:

Tone Jorunn Tveito og Gunnar Vole som eig garden Kleppe Sygard og med seter i Sjudalen (Kampen), søker om å kunne utvide seterkvea litt mot aust. Det dreier seg om ca. 1 dekar. Årsaka er å få ei betre praktisk løysing for dyra som nyttar kvea, og for å sikre drikkevasskjelda betre til både øvre og nedre del av kvea.

Søknaden er sendt til Statskog til uttale. I e-posten frå Statskog står det m.a:

Det er her snakk om en begrenset utvidelse på ca. 1 daa av eksisterende parsell. Statskog har ingen innvendinger til selve grensejusteringen. Selv om utvidelsen er beskjedent og er å betrakte som en mindre grensejustering, ber Statskog om at fjellstyre gjør vedtak etter seterforskriftens §§ 6 og 7, om utvisning av seter. Dersom fjellstyret åpner for slik utvidelse av seterkvea, vil Statskog oversende rekvisisjon om grensejustering til Vågå kommune.

Kart over setra som viser omsøkt grensejustering av kvea i aust og vest, er vedlagt saka. Saksbehandlar har sett på det aktuelle området for utviding.

Vurdering:

Søknaden skulle vere grei. Det er forståeleg at det blir søkt om ei mindre grensejustering her for å få ei betre praktisk løysing for gjerde og vasskjelder. Den beskjedne justeringa blir vurdert til ikkje å kome i konflikt med anna bruksrettsutøving eller andre bruksinteresser.

I søknaden står det at dei har hatt storfe på setra sidan 2019. På spørsmål seinare er det opplyst at dette ikkje er eigne dyr, men at ein annan gardbrukar leiger både driftsbygning og jorda i bygda og kvea på setra. Om kvea da er bortleigd, eller er definert som ein del av ei forpakning av garden med seter, er noko som fjellstyret må ta ei vurdering på seinare. Uansett om setra pr. i dag er definert «i bruk» eller ikkje, er det likevel ei stund til setra vil «falle i det fri». Det er tidlegare opplyst frå kommunen ved landbrukskontoret i samband med gjennomgang av Seterregisteret at garden med setra var bortforpakta i 2008.

Innstilling til vedtak:

Fjellstyret viser til søknad frå Tone Jorunn Tveito/Gunnar Vole og uttale frå Statskog, og gjev i medhald av §§ 6 og 7 i seterforskrifta løyve til ei mindre utviding av seterkvea slik som det

blir søkt om. Fjellstyret er samd i at utvidinga vil vera ei betre praktisk løysing for dyra som nyttar kvea.

Vedtak:

Samrøystes: Som innstillinga.

Rett utskrift. Går til:

Tone Jorunn Tveito/Gunnar Vole
Statskog

Kopi til:

Kommunen v/landbrukskontoret

Vågåmo, 06.09.23

Knut Øyjordet (e.f)